

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 28. stav (1) i člana 45. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), Zakona o poticanju male privrede („Službene novine Zeničko-dobojskog kantona“, broj: 7/16), a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), na prijedlog Ministarstva za privredu, Vlada Zeničko-dobojskog kantona, na 161. sjednici, održanoj dana 20.09.2018. godine, d o n o s i

ODLUKU

za odobravanje i dodjelu finansijskih sredstava namijenjenih subvencioniranju projekata izgradnje i obnove javne turističke infrastrukture

Član 1.

(Predmet)

Odobravaju se finansijska sredstva (refundacija), namijenjena subvencioniranju projekata izgradnje i obnove javne turističke infrastrukture, u ukupnom iznosu od 556.400,00 KM (slovima: petstotinapedesetšestiljadačetiristotine konvertibilnih maraka).

Član 2.

(Ekonomski kod)

(1) Realizacija ove odluke izvršit će se iz escrow sredstava, nakon što Razvojna banka Federacije Bosne i Hercegovine sa transakcijskog računa broj: 195-001-00000014-89, otvorenog kod Centralne banke Bosne i Hercegovine, na transakcijski račun Zeničko-dobojskog kantona broj: 134 01 000000 17386 otvoren kod ASA banke dd Sarajevo, prebaci sredstva u visini utvrđenoj članom 1. ove odluke.

(2) Nakon priliva sredstava iz stava 1. ovog člana, izvršit će se isplata korisnicima odobrenog iznosa iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije privatnim preduzećima i poduzetnicima“ u skladu sa listom koja je sastavni dio ove odluke.

Član 3.

(Prenos sredstava)

Uplata odobrenih sredstava korisnicima poticaja izvršit će se nakon dostavljanja odgovarajuće dokumentacije o utrošku sredstava u određenoj fazi kandidovanog i odobrenog projekta.

Član 4.

(Provođenje Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-14373/18.

Datum, 20.09.2018. godine.

Z e n i c a

DOSTAVLJENO:

1x Ministarstvo za privredu,

1x Ministarstvo finansija,

1x „Službene novine Zeničko-dobojskog kantona“,

1x Web stranica Zeničko-dobojskog kantona,

1x Vijeće za državnu pomoć BiH,

Spasovdanska 22, Istočno Sarajevo 71 123,

putem ministarstva za privredu,

1x a/a.

PREMIJER

Miralem Galijašević